

地  
310.87  
134  
21-22

漳州府志





舊序

宋淳熙漳郡志序

李

綸

環千里而郡之必有郡治有郡治必有廨舍倉庫而民  
得以雜處於其間有民雜處必有橋道坊市以爲之聚散  
城池營驛以爲之捍禦射圃學宮以爲之教習社稷寺觀  
廟宇爲之祠祀而遊觀焉其所資以衣食給用者則又有  
穀粟桑麻禽魚草木果藥鱉茗之類夫民生而聚聚而交  
交而鬪巧以相高宮室衣服器械之用於是乎殊用取諸  
物物取諸土名山大澤廣坊平原之名於是乎著生息之  
蕃耗而戶口異數輸納之多寡而貢賦異等先後之習尙

漳州府志

卷之首

舊序

一

而風俗異宜以賢愚相閒而賢者之聲角出隱宦相形而  
宦族之傳孤遠人物於是而不可沒矣以如是之人物足  
之所經目之所擊其在高山流水殊觀異聽必有吟咏之  
發揚碑碣之紀載愚夫細民口耳之傳授者大有可觀焉  
一郡之治千種萬流經賢明二千石日琢月範積有歲時  
美者有加惡者有減近世博物君子多取而述之以爲一  
書盧潮之圖經延平清源之志是也漳之爲郡自陳鷹揚  
肇翊于唐之垂拱而天文地理可書周名第唱文于元和  
而風俗人物可書我朝皆以循良爲之守其所以成就藩  
飾之者無一而不可書可書而書不作無乃使人疑夫不



作之爲愧哉我判院趙公綱來式是邦其規模天造  
有光於前于此而不書是無時而能書也鹽初由官  
不苦官鬻而苦戶均口率之苛公一旦下令蠲去均率民  
得以持錢挈榼就官市鹽如平人交易公私便之矣瀕海  
有戍始爲盜設也旣而盜平戍不休民反擾于戍公檄罷  
之民至于牛酒往來隣里相爲慶賀曰太平官府乃今見  
之郡卒之督下邑歲供者先是相踵于道率倚郡命多爲  
邑民病公曰何至倣吾赤子命郵木匣以往專示之信自  
是民不知有卒而輸期迅矣巖棲谷飲之民耕植多蹂哺  
于象有能以機弄弓矢斃之者方喜害去而官責輸蹄齒

## 漳州府志

### 卷之首

舊序

二

則又甚焉故民寧忍于象毒而不敢殺近有獻象齒者公  
以還之民且令自今斃象之家得自有其齒民知斃象之  
有獲無禍也深林巨麓將見其變而禾黍矣州學舊門庫  
且隘中涵凌雲之堂殿于道爲不稱公命廣以櫺星內熒  
外照制度不偏士之由以出入者始大其觀矣公之政大  
率先撫字尊校庠務使天子德意條暢乎山谷川澤一無  
底滯而後已故其緒餘所適見于剪繁滌穢鈐剛圍柔者  
雕雕然不可掩人報以稀訟天答以歲稔而其和氣休風  
扇動感發則又有非尋常人力所能致而至者公旣廣州  
學濡星門又命新儀門新之十日有槐生于門上之壘三



堂莖各七葉聖以灰和竹筋爲飾無可着之士而愧之  
羣經月不厭人皆謂三公之應每歲郡士之與計偕率二  
十有一其擢第春官者不過三四爰自公廣學門之後父  
兄之誨子弟必重以母愧我公櫛星爲囑遂至市無遊吟  
野乏環佩曉窓夜螢達乎四境而公所津遣者果十人釋  
褐殿庭下此其爲效自垂拱以來蓋未之有然則前此之  
不書也非不書也未能書也公政鑿舊郁郁乎文哉山川  
土地禽魚草木固自若也而其風俗之移文物之盛剖决  
呈露士論之欲書者如李牧田單戰卒鬱勃發揚思奮其  
勇于拔距超石之地雖欲弗書烏得而弗書闔十館之士

# 漳州府志

## 卷之首

舊序

三

以其意見告綸轉以之馳謁于公公曰惟山水城郭宮室  
風物人賢之書則可在政事則不必書夫以漳士紀漳俗  
極所美而無隱恐後人莫之信或有遠來之賢能習漳俗  
始末者得一二人以秉筆雖大畫深刻後世必無敢議者  
漳之美庶乎其無毫髮湮矣綸退而徧尋諸郡縣學得二  
人焉曰莆陽翁亢三山許楸遂以淳熙五年秋月成書

### 嘉定漳郡志序

黃桂

方輿圖志古也漳州自唐始得爲郡宋興天下一統郡國  
悉以圖書來上累朝熙洽禮樂事備中興以來生齒日繁  
漳之事物益非昔比圖書所載尚矣顧今增之不已多乎



曰是不然孔子述職方以除九邱夫邱言聚也九州所有土地所生風氣所宜皆聚此書孔子去之何也周官大司徒掌天下土地之圖周知九州廣輪之數凡山林川澤原隰名物皆辨焉亦足矣又有職方氏之圖若人民也財用也九穀六畜也利害悉記曰山鎮曰藪澤曰川曰浸曰區產曰民生男女之數細大不遺職方氏之圖詳于廣輪之數而九邱之書其視職方之圖益又相遠然則職方述矣九邱自亡用也孔子非除之也嗟夫天下者郡國之積也郡國所志志一郡也天下所志志諸郡也天下志諸郡以爲志則諸郡所志者宜詳不宜畧也祥符四年尚書職方

## 漳州府志

### 卷之首

舊序

四

准勅遍牒諸道州府軍監各令脩圖書如法架閣脩掌其意遠矣豈非以今旣異于昔則畧寧過乎詳淳熙丁酉顏定肅公師魯作漳州重建州廳記尚歎惜四百年間漫無所考抑漳之圖經昔猶畧乎哉今距淳熙初元四十年矣戶數人物視古繁阜城池學校驛館輿渠道途阡陌變遷廢置總總也前後出守是邦者類皆名公卿或因舊而更新之或昔未有而創爲之或前未畢而續成之或已廢絕而振起之其關風教補治道不少也前政皆未及耳失今不記恐後之視今猶今視昔也嘉定六年夏黃堂寺丞趙公以其事委秋官方杰本之唐宋之經參之淳熙之志旁



據公牘遠採碑刻或文籍所載或故老稱傳及耳目所聞  
記皆摭其實詮次之三閱月書成屬桂爲之序桂不得辭  
也中元日郡從事三山黃桂敬序

淳祐漳郡志序

序原有  
闕文

王南一

漳隸閩接廣要郡也郡舊有圖經續謂之志國朝自祥符  
至嘉定二百餘年屢經刊輯推以古今撮其綱要舊序詳  
之矣闕載其間郡事豈無關於風化之本原生民之利病  
失今不記則建新學闢貢宇者誰歟置桂莊立小學者誰  
歟奏罷高荒俵寄產錢納苗米聽民自槩量者誰歟奏代  
納民丁罷鬻鹽議行募役者誰歟創龍江書院以廣教養

漳州府志

卷之首

舊序

五

創虎渡橋以濟往來者誰歟淳祐癸卯冬郡文學趙君崇  
珩請于郡侯寺丞章公曰公自下車若學校若貢闈若溝  
渠城關之類靡不脩舉獨清漳志板老字漫若何公曰余  
始至欲脩故府所藏南北史奪于勦山寇而未遑行將受  
代不及事矣是舉適契予心君其主之趙君力董厥事旁  
搜博採正訛補闕易而新之屬南一紀歲月南一以章公  
之政足媿前脩趙君之請足闕後世於是書

明正德漳郡志序

周瑛

正德庚午歲吏部以漳守闕員上陳侯姓名于天二傳守  
漳制曰可侯武陵人也名洪謨字宗禹其學得之尊翁西



谷先生封主事公侯爲人寬厚而博大誠信而周密旣  
進士第歷南北戶刑二部郎中鬱有聲望及守漳凡錢穀  
徭役甲兵獄訟諸事若探囊中所有而順寘之矣至于事  
有關於教化風俗凡可以轉移人心斡旋治道者皆汲汲  
焉爲之而惟恐後蓋其志欲以古人君子事業自見不以  
世俗稱能吏者自居也嘗語同官羅侯甫阮侯芳許侯廷  
用曰郡縣誌所以紀載治道使有所考據而推行之者也  
漳建州自唐垂拱至大明正德壬申歷八百有餘年惟淳  
熙嘉定淳祐六七十年間凡三脩志其他上下寥闊無聞  
非闕典耶諸同官曰事待人而行公勉之毋使他日之嘆

## 漳州府志

### 卷之首

舊序

六

今日如公今日之嘆前日可也時提學副使姚公鏞以古  
行奧學爲斯文領袖聞侯是舉有關於風教力獎成之侯  
乃專介捧書幣北走莆田告瑛曰漳志之脩洪謨竊有志  
焉敢以累下執事瑛先世有戎籍于漳之鎮海衛漳亦鄉  
郡也瑛蚤歲嘗與漳諸生同計偕矣况漳登雲嶺下先墳  
在焉每翹首南望神爽輒爲飛去乃受書幣奉以告于祖  
宗又以告于族之人族人以予年耄荒躅予行時子大謨  
領鄉薦在家請予侍乃以壬申歲五月赴漳旣入境陳侯  
郊迓禮甚恭卽館有司各以供具至少闕從事者請筮日  
開局瑛辭曰古者去國展墓而行返國展墓而入予未展



墓安敢事事翌日侯乃遣官送予鎮海予望先墳而號者三俯仰瞻眺若有所失明日乃具牲牢以祭于墓比終事而返始從事筆硯告陳侯曰我國家疆理天下以司統府以府統縣此其大綱也以吏戶禮兵刑工分管庶務此其節目也大綱者古今通制而節目乃放周官而推行之也欲論治體宜有考于是自祝穆氏著方輿勝覽而脩郡縣者多祖之往往標題山川點抹風月寄興聲趣之表而治體微矣此予所以每撫卷而徘徊欲語人而復止也不知侯召我將何以教我陳侯曰洪謨嘗觀莆志矣請以脩莆志者脩漳志可也瑛曰謹如命先時侯嘗令六縣備採事

## 漳州府志

### 卷之首

舊序

七

蹟以來又聞已故林生祺著漳獻備忘因取以來既開局乃慎選郡縣諸英俊若高生騏黃生芹王生淵鄭生衷蔡生烈相與從事瑛得會萃而觀之參互而考之定吏戶禮兵刑工爲六紀如莆志焉者因令某生治某紀而予得以擇其中每篇第成陳侯親自考訂而後授之及古崖黃侯芳由翰林來貳于漳復相與訂正而授之梓若夫人物一志乃陳侯舊所去取而予携歸家重審覆而定焉者書成大方伯陳公珂憲副姚公鎮旣序諸首矣僉謂瑛于後不可以無言瑛聞天下大小事志專則立志分則奪漳志所以成者以陳侯志之專也初其間亦持異議惟陳侯志專



故異議亦定矣開局以來百凡用度皆陳侯自爲計未嘗以賦諸民而附郭尹史侯立誠或相之也予年邁陳侯專命丹霞驛丞袁哲以侯予哲用命故予得免於疾病而終厥事云

正德漳郡志序

陳洪謨

正德庚午夏予承乏漳南郡事鞅掌若未易以號令爲者旦夕祇慮每欲稽載籍以資化理詢諸學官衆故老皆曰亡之旣而民訟其先世遺物有曰清漳志者亟呼其人俾持以來則紙敝墨渝漫不可讀揭其端乃宋淳祐志也志羅絡舊事又知有淳熙志嘉定志其目雖存而書亡矣用

漳州府志

卷之首

舊序

八

是慨然有動于中亟欲脩輯之以承百廢之後日不暇給越明年政稍通乃謀郡邑諸文學以卒前志諸文學唯唯遂命兩學諸生林祺輩取山經地志大明一統志八閩通志及所得淳祐志凡有涉于郡事者悉皆採錄又命教諭陳徵徧詣諸縣廣詢博訪凡有涉于縣事悉皆採錄而漳州鎮海衛事蹟亦備採以來竊念作志非難作志而信今傳後爲難莆致政之老翠渠周先生者非其人歟或曰翠渠翁足跡不入城府者已二十年恐不可致用是遲徊久之後訪知翁發跡于鎮海先大夫墓在焉乃具書幣介顏生階蔡生烈詣莆以請二生者懇懇以致予意翁悽然曰



脩漳志固予願也因而得展謁先墳尤予願也予其行哉  
歲壬申夏五月翁來漳予率官屬耆老郊迓翁舉止健康  
耳目聰明無異少壯予私喜曰天其相予有以成此志哉  
翌日翁往鎮海展墓余飭屬官以待及歸治館龍江書院  
擇諸生謹懋而文者四五人以待是歲閏五月開局至十  
二月書成三之二其列傳諸卷未脫稿翁以歲暮辭歸其  
家閉戶不出又數月書成俾來授予入梓予得而讀之蓋  
翁之爲此志惟以脩明治道利益生民爲本若夫荒唐恠  
誕與吾儒論異者皆不在所錄其法以六紀提其綱以本  
事疏其目以經史百家爲根據以組織其說凡一字一義  
必精思妙契而後命筆有未合處雖數易而不憚煩烏虜  
是可以信今傳後也無疑矣書凡三十卷釐爲八裘凡民  
生之休戚風俗之美惡人物之臧否政治之從違得喪皆  
於此乎繫先生以耄期之年而成此書固天有以相之矣  
此洪謨之幸也亦後來司牧是郡者之幸也工旣訖功迺  
識數言于其後以見作志之首末如此云

嘉靖漳郡志序

盧璧

漳前志脩於正德壬申不續者四十年矣南靖分而爲平  
和漳浦分而爲詔安漳平之聚賢里割于延平之大田非  
惟新者未載而舊者亦非其舊矣是故覽者病之嘉靖

漳州府志

卷之首

舊序

九



戊余方以海防事待勘卧病郡齋時通府陸君體仁攝篆郡博俞崇魁等率其諸生蕭應麒馬蒼錫王堂林應元等以志事爲請陸君以告于璧璧難之陸君曰諸生能爲之稿願勿辭旣而應麒蒼錫與王堂林應元四生各錄其所爲稿郡人教授陳君富亦博採故實以告遂不容已乃檢故牒參各志間訪之故老質之高明而類編成焉維時陸君暨諸同寅龍君遂謝君承志李君日森各先後至裨益實多媿余涼菲不足以承之爾旣脫稿乃請于中丞張公侍御曾公沈公文宗朱公俱蒙不見絕遂刻付郡齋用爲將來筆削之地其工費則陸君與璧之自措他無擾也前

## 漳州府志

### 卷之首

舊序

十

志板具存後有作者其尙考焉

### 萬歷癸酉漳郡志序

羅青霄

府之有志猶古諸侯國之有史仰觀天文俯察地理中紀人事其間盛衰休咎是非美惡所以昭勸戒而裨政教其關係世道非淺鮮也漳自有唐將軍陳公元光于此撥亂反治開疆啓宇郡治之所由設歷宋益弘以顯大儒朱文公來守其郡勉齋北溪二公實羽翼之講明理學而教化丕振及至我國朝名宦鄉賢彬彬輩出文獻足徵稱爲海濱鄒魯信不誣矣迨後風俗漸澆政政未洽賦役不均囂訟大肆山海寇賊每每竊發當事者隨時經理建置倍作



始設六縣繼增而八至嘉靖末年又增而十矣天運而人從時至而事起理勢則然也因草旣殊述作亦異則志可無脩乎訪宋有淳熙嘉定淳祐志我國朝陳高吾公脩壬申志盧玉田公脩庚戌志及予至郡前志燬于獄犯而詳畧不可考矣乃謀諸同寅諸君子請于兩院司道諸公允脩之乃會諸鄉先生講求故事屬王生豸草創其槩總裁于謝吾溪公討論而潤色之公在戶署時嘗脩部志守廣州時嘗脩府冊事宜三長悉備而于桑梓之邦則聞見習熟而品藻素定文兼述作而義存勸戒其慎其公其明宜不負斯舉也予以薄德叨守府事固有善狀以續前脩而

# 漳州府志

## 卷之首

舊序

七

因事建議期以保境息民興教淑士如醫之因病而藥之不知對症與否而欲活人之心則固有同然者間亦見脩志中有可作品味之佐使者在醫手采擇之耳志旣脫稿適巡臺南昌劉公出按于漳徽取府志裝帙以呈命刻之梓工竣事諸先生屬予爲之序予愧不能善漳之治而志中所載可以善治者則固有在焉來者取而行之未必無小補也語云施藥不如施方又云方雖傳于古人效不必自其已出是志也固善治之方也此諸鄉先生所與人爲善與予諸同寅共事之意也因書之以告觀斯志者以識脩志之歲月云



萬歷癸酉漳郡志序

謝彬

漳有志肇宋淳熙嘉定淳祐間淳熙嘉定無傳淳祐家有藏者然堇堇歷元逮國朝正德壬申凡二百餘年守陳侯洪謨始創脩之又四十年爲嘉靖庚戌守盧侯璧續脩歲乙卯三板俱燬于變嗣守桂侯嘉孝唐侯九德極力爲脩俱未就隆慶庚午忠州羅侯以官大夫來任勵精爲治凡政有利弊悉罷行之其大者如脩譙樓繕城堡建書院禁刁訟興教約正田賦減餉銀練土著以省客兵通商稅以補民糧清廟寺之租置學校之田具如志所列瑣者未易更僕而尤加意于郡志忽一日召郡士大夫宴于攬勝亭

漳州府志

卷之首

舊序

三

酒半言曰漳闕志久矣諸大夫皆土產能知地方事爲稔已嘗命儒官王君豸彙爲章尙有待于脩諸大夫其圖之因舉觴屬彬曰君子諸大夫爲見事多幸爲我成之復觴主事金君鉉鄉貢士余君一愚曰二君其底協厥事予始受侯命未知所諾退而知侯實先以某某姓名請于諸當道弗克辭已則金余二君復以齒讓而併其責于予乃自爲已任顧前志以郡邑合敘侯命析而志之未免有費分疏又自庚戌以來地方之變故事體之改更若奕棋然不能坐而策之必諮于掌故者郡或行文書下縣官不暇省吏輒漫以應或匿不以實聞覆下之三四乃可得異日者



張局置員百執事各司其物侯則欲總覈名實不徒事虛文謂衆之雜不如一之專也故有叢百役于一身而莫敢告瘁始事于壬申之春迄癸酉夏凡四易藁始克就適代巡南昌劉公按漳侯以前藁呈命刻之刻成侯謂予當有一言以序其始末予謂侯既有序以冠于前予又何贅然聞之治郡猶治家也治家者凡夫男女之生娶田晦之坐置歲計之盈縮臧獲頑良與夫器物用度之繁門戶鏞鍵之守既竭心思以理之而又于家衆之中擇其能者俾其司簿籍以專紀載雖甚弱子孫有所憑依以爲世守而姦人莫之敢覬覦者以載籍存焉耳侯之作志之意何以異

## 漳州府志

### 卷之首

舊序

三

是予嘗憂邑籍之變亂日甚一日然詎知是志之存不有以繫黠胥之手足耶故郡志者邑籍之左契也徒作云乎哉繇是知侯之爲後世慮至深遠也侯又嘗語予曰昔宋趙判院脩淳熙志令勿書其所行之事今予所書有吾行事柰何予曰是何傷哉孔子作春秋于齊人來歸鄆謹龜陰之田不嫌于自叙若已有善政書之告後人適所以爲公爾矧載筆之事乎侯以爲然遂書以綴之

### 萬歷癸丑漳郡志序

戴 燿

清漳當閩越外徼唐建郡梁山之麓遷治九龍則隋氏故邑山川風氣所鬱萃千有餘年于此矣五代于戈雲擾至



宋而盛由元入我明而又盛當其盛也人物斌蔚大事可  
書載筆者用能集所聞見而奮其辭世衰則否故五代及  
元無志焉宋之爲志者四祥符圖經淳熙嘉定淳祐諸志  
是也本朝嘉隆以前之爲志者三武陵陳公盱眙盧公忠  
州羅公所迭編摩前志是也今天子以神聖在宥又四十  
一年矣仁滂施厚以及海隅漳實嘗盛際嚮馮山阻海芽  
蘖間作邇則比屋熙熙民垂老不識金草之事嚮以遠郡  
瘠邑宦轍弗樂邇則名賢接軫循績茂聲在在可紀嚮科  
目盛于數縣邇則陬溼遞徧新造之區浸埒望邑嚮士習  
帖括用梯通顯邇有擁臯而譚性命之學搦管而脩千秋

## 漳州府志

### 卷之首

舊序

古

之業嚮致位九列指僅數屈今得時而駕鄉貳中臺炳煇  
宦牒者踵武相望若梯山航海泉貨充溢珠香象犀文貝  
之屬輿服伎巧珍錯之利無脛而走海內不可殫計繇今  
揆昔未見其止繇昔較今不可謂非風會極盛而志可疏  
闕乎吳興昭余閔公守郡三載績成嘗語其同寅諸大夫  
曰郡志四十載弗續久且益軼懼無以訂往詔來責在守  
臣且夫志一郡而離折爲十往則陋矣盍是正乎會按閩  
直指陸公有更脩全閩通志之議徵事八郡公乃檄諸令  
長延致家食二三大夫及孝廉中綜貫舊典者委成焉于  
是分曹授簡始壬子首夏迄癸丑春孟而哀輯成于時閔



公已擢臬使者仍莅茲土繼守爲宜春袁公又吾首邑舊宰皆于郡事備嘗始末嘉與諸君子夙夜討究用是築舍不惑殺青易竟凡爲卷三十有八爲帙十有二而屬不佞耀序之余惟今志原本山川攷證沿革于曩牒非無因襲而杼軸自出爲多綜典故則義約而該叙宦蹟則事徵而核傳名行則辭直而肖憂時務則志隱而章其所取材自正史稗官國憲家乘山經地紀琬琰之藏魚蟲之注有涉漳事畢所蒐羅蓋衆思集衆美萃焉可謂曰志矣雖然非其時弗志也非遇其人弗竟志也余聞宋判院趙公之爲郡守是多異政順氣致祥闢州學櫺星門槐生于堊所津

漳州府志

卷之首

舊序

五

遣上春官釋褐殿廷者十人爲時極盛矣于是淳熙初志出焉累政諸賢亦唯是民俗之已康阜治教之已和洽然後能注其精神以詢掌故方冊不磨令聞偕遠吳興公實以文武才經緯吾郡正俗一準諸禮官政無失其序稂莠以除嘉苗以殖羣士子雲龍書院而勤課督之肇闢泮池睢渙改觀慶雲兩現大有屢書是用賓禮者彥釐四十年來未備之闕典俾有次第而袁侯以明德典郡又能纘而光大之以底厥成夫咸有古之心也哉以運會文物如此其盛先後賢守臣所注意如此其殷諸君子之能各殫所記聞勒爲成書備海濱外史于以鼓吹休明昭示文獻不



亦宜乎余隱人也時時手茲編田畔若某水某邱近可搜  
剔遠可卧游又得備聞先大夫仁賢之行事怡然樂之而  
郡侯且命之言矣不可以膚陋辭敬筆其帙端數語識盛  
事云

國朝康熙甲午漳郡志序

覺羅滿保

志乘之作其源肇於班固之志地理更進而上則周禮職  
方氏之列九州夏書之禹貢爲最古然畧而不詳非不能  
詳不勝詳也詳莫宜邑志畧而不失其詳之意者莫宜郡  
志凡一郡之山川戶口阨塞關津及名賢之遺跡忠臣孝  
子篤行貞烈足以扶樹風教而振刷末俗者皆當謹志以

漳州府志

卷之首

舊序

六

備稽考甚矣郡志之亟也清漳在唐時屬嶺南道其後改  
徙不常至明洪武始定屬閩省當宋紹熙間風氣猶薄陋  
洎紫陽朱子領郡定法制興教化而風俗稍變然欲正經  
界工丈量之法而豪右不便其事多方阻之紫陽由是去  
蓋化理亦綦難已余壬辰冬巡海上道漳之屬邑見連山  
疊嶂崔嵬聳峙於雲中東南際海烟濤瀕洞咫尺千里島  
與星羅隱隱可見而物產豐饒居民輻輳浩乎不啻一都  
會卽其人文科第彬彬郁郁視古昔有加然海中島嶼錯  
處而閩之溫陵粵之潮陽綿亘連屬乃其通路往往爲盜  
賊所出沒近草薙禽獮漸無伏莽可虞然備不可弛而防



不宜畧也守茲土者誠當加意也栢鄉魏君念庭守漳六載慨志久不脩或至零落因取前明癸丑戴君燿所序劉君廷蕙所修者重加增訂排纂得三十四卷蓋漳志惟癸丑脩本爲善而癸丑去今已百年餘矣余披繙一過目凡二十惟兵紀一編最詳自防汛城堡及戰艘兵馬額數塘通瞭望巡哨處所纖悉畢具因喟然歎曰得之矣蓋志之作非徒哆誇山川戶口人物爲美觀將紀其興除利弊與夫阨塞險要建設之周密爲保障一方永圖以俟後有志者當世數遼廓之時欲求其遺跡而較若列眉憑冊而考如獲良師其大要旣具由是而及於山川之雄麗戶口之

# 漳州府志

## 卷之首

舊序

七

殷繁賦役選舉之得失名人物產之瑰瑋而奇秀皆蜿蟺磅礴之氣發皇於耳目而彪炳於緗素並爲茲土不可闕之紀載不亦善乎故樂得而序之

康熙甲午漳郡志序

李 鋈

漳郡志自宋淳熙至明萬歷屢次訂脩要因時紀載俾居官者有所攷據而隨地制宜審時立政採風問俗按籍可稽志之所繫豈不重哉顧自萬歷癸丑以迄于今百餘年閭滄桑已易文獻無稽不無缺畧之憾矧我

朝來建置規模其恢宏遠勝於昔不加編纂孰悉其詳用是念庭魏守慨然引爲己任討蒐前乘延訪諸儒廣羅博採



旁集遠搜凡一郡中城郭關梁之廢置山川疆域之險易戶口丁糧鹽屯水利之增減學校祠壇選舉兵制之損益以及循良茂德忠孝節烈理學詞章後先畢紀下至一名一物一技一長苟有可取罔不發幽闡隱哀而志之捐貲而梓之爲冊二十計卷三十有四歷二寒暑而其事始竣旣成問序于余余以漳郡阻山負海自唐以來變遷非一今則爲閩粵之襟喉屹然稱爲重地其間險隘阨塞之區因革措置之方生民之休戚治化之本原講求宜亟矣苟記載闕如則雖欲酌古斟今脩廢舉墜而往跡已湮舊章罔據欲求盡善不亦難乎此志之脩不獨補漳郡百餘年

## 漳州府志

### 卷之首

舊序

六

文獻之遺俾目前有所考證瞭如指掌且使後之官斯土者展卷之餘而所爲隨地制宜審時立政化民成俗之事皆得有所依據不致迷於所從矣余固不能文喜其事之爲益甚鉅而所係綦重也于是乎序

康熙甲午漳郡志序

蔡世遠

康熙庚寅春柏鄉念庭魏公奉

命出守吾漳時余在京邸公以治漳之政下詢余曰夫正己

清操撫民率屬公之本所學以措之治者無待予言也顧吾漳郡志自萬歷至今闕百年矣此政事之大者非公莫可公慨言曰是吾責也治漳三年政治民和百廢俱舉公



已得其山川戶口風土人情盛衰因革之大概余時讀禮  
家居謂余曰京師所言者今可以行矣願以相屬予退  
而慘然不寐者久之曰嗚呼故老盡矣薦紳老成備知明  
季

國初之事者凋喪無餘余小子何知敢與斯役且吾漳自百  
年以來兵燹頻仍典籍散失守令將校尚有不能紀其名  
者况於鄉曲里巷匹夫匹婦之微其孝義節烈烏能家考  
而戶按之也哉顧及今不脩後將益難因與陳君石民李  
君鱗蒼陳君少林汪君嘉仲等經始於癸巳四月公不憚  
搜羅不惜糜費凡九閱月用就厥緒甲午春余以服闋入

## 漳州府志

### 卷之首

舊序

九

都人物賦役二卷未及定稿陳李諸君相與續成之首末  
序論以及義例傳記公又增損而潤色之是冬剞劂告成  
公以書來屬予序之予惟賢人君子之爲善也非有所慕  
於其名也而名卒歸之庸人之不能爲善也非有所顧於  
其名也名亦不及焉然迨其身已沒其子若孫往往以得  
載志乘爲榮以不得與爲辱豈非恒性之若秉彝之好有  
不可泯者耶維漳建郡始於唐柳僻陋瀕海然山水峭冽  
鬱積雄奇有宋朱文公涖郡以後陳北溪王東湖兩先生  
親傳其統緒道術旣一禮法大明勝朝陳剩夫蔡鶴峯等  
又起而賡續之沿及明季周忠愍黃石齋何黃如諸公氣



節文章尤巋然爲天下望流風餘韻至今猶存吾漳人之不自菲薄也得無望前脩而加勵乎且夫訪古者考其山川審時者識其風物察變者詳其沿革官斯土者雖千世百世之遠猶得按其宦蹟姓氏而知其賢否有所鑒於前斯有所勉於後而凡生斯地者知科名爵位本不足重要惟砥行脩名者之得垂休光於無旣也是則公所以脩輯是書之意也夫

康熙甲午漳郡志序

陳元麟

元麟自幼侍先君子嘗談里中明季及國初遺事喟然曰漳自萬歷季年志乘已闕今文獻衰矣後人焉取信耶迨

## 漳州府志

### 卷之首

舊序

辛

柏鄉魏公來守是邦下車卽與太史梁村蔡君共商此事越三年治績旣成諸事畢舉進元麟命之曰漳志之必續吾子之志也敢以請余謝不敏乃與梁村太史陳君少林汪君嘉仲李君麟蒼共從事焉搜殘編僅得萬歷癸丑志自圖經以來若淳熙嘉定正德諸志俱不可得而各縣所脩多踈畧龍溪南靖併舊志失之於是魏公乃於諸邑各延縉紳文學括取蒐羅續殘補缺凡三十四卷其有緣誤失據歷久相因輯而改正者分野從揚西溪稱南之類是也其有桑田改變經制非昔近事必詳者若兵紀之條增以海防之類是也其有制度從時典章異軌證以新脩會



與若官制學校之類是也其有因革利弊動關民瘼存爲法戒若錢穀里役鹽課屯糧沿丁丈量大當小甲之類是也其餘或續或增多因舊例不敢妄更惟至人物一書揆之前人舊志當時亦或稍過揄揚後人更脩悉多刪定非刻也蓋一時執筆不能盡伸已意不無少徇一二傳至後世公論乃定茲則爲日已久傳聞異辭非有確據善善從長姑如其舊不敢或刪惟是明季傳人邇時碩士哀而輯之無取于濫雖然一十邑之採取百餘載之傳聞敢謂收錄盡屬無譏亦望後之君子嚴以教我雖不敢謂一時之筆或有微詞亦庶幾百年之後始定公論是是非非削而裁之元麟輩其敢逃罪哉嗚呼戰戰兢兢俟我後人以答魏公之命亦跋念之乎

康熙甲午漳郡志序

魏荔彤

志自明萬歷癸丑至今恰百年未脩荔彤於康熙庚寅秋來守茲土深以文獻散替爲懼請命於上官延賢於紳士集力於僚屬而緝於成始於癸巳之春迄于甲午之冬計期七百餘日爰述其慨而識之曰志以載事久則無徵事乃紀時繁而易軼代遷者如歲功往宜逆觀其迹也續起者如朝華來當順察其情也跡與心會存其可存情隨世移變其應變究之可存者不待人而自存矣應變者將及

漳州府志

卷之首

舊序

三



時而自變矣是以一筆褒嘉千秋師表者其鏡乎一人濟  
惠百代興感者其風乎如鏡之無幽不燭斯無微弗闕也  
如風之無遠不屆斯是故咸新也望古遙集有時與善長  
而揚之舉之非濫知人尚論有時取物精而綜之核之非  
苛寧以一器許偏才不因一青掩大德傳百行不敵蓄吾  
私擅三長何堪枉此直前開後繼間出者荷責顧重也譽  
恩毀怨中立者擇術非工也仁者愛身然不愛身而仁乃  
全知者知人然不任智而知斯著仁非莫知者之知而仁  
以知久知必辨仁者之仁而知以矢然則志載者仁之事  
歟載志者知之事歟故愚忠愚孝喜寬其途非聖非法必

# 漳州府志

## 卷之首

舊序

三

峻爲拒收羅放逸未嘗去準繩權本於經也屏絕隱微未  
嘗踈軌範嚴不爲惡也信昭於今疑闕於古始無疑知卸  
其功罪任其怨庶希怨不忍百餘年忠孝節義委之里談  
巷議不爲檢收不甘七千里聲名文物沒於蠻烟瘴霧不  
爲彰表化思美俗思淳在秉教司政者厚其德耳良有勸  
楛有懲在採風問俗者旌其善耳一郡如彈丸爲鄒魯非  
大一書加敝帚繼史漢不孤文章得失寸心先知人物臧  
否百年後定滄桑陵谷靡恒也學士言其有常而已繁盛  
奢華未艾也君子防其叵測而已士必讀農必耕女必織  
忠厚勤儉者習俗之源乎政斯平稅斯薄刑斯簡澹泊寧



靜者風教之本乎載舟覆舟者勢也出爾反爾者理也盤錯不治非利器矣經術不效真俗吏矣惟其裘帶蕭然可以折衝樽俎惟其風雅彬彬然可以宣導教化是政與教相維也經與史相通也此輯志之意也夫

漳州府志

卷之首

舊序

三



漳州府志凡例

一史記列八書于前世家列傳于後漢書列十志于前列傳于後八書十志志事也世家暨列傳志人也志其事而後之施政者可以監古而觀其會通志其人而後之論世者可以多識而遵其矩矱前志門目二十斟酌完備今略為區分自災祥已上皆志事也自列女已上皆志人也終之以紀遺蓋事與人兼焉

一事列于先而事之中又有序焉人列于後而人之中又有序焉太史遷自序載于篇終今師其意作小序明作志次第相因而起臚於各篇之首法書序詩序之例也

漳州府志

卷之首

凡例

四百三十一

一歷來郡邑志或列星野于建置之先其意欲尊天也鄭氏康成曰星野者星所主之野也不知其野何以仰觀分星故建置第一而星野次之

一自龍巖分州後疆域版圖今昔不同其道里遠近據冊登載復繪圖列于篇首閱卷瞭然至于漳浦平和南靖詔安海澄亦屢有更換須各詳記其山川土田某年割入某縣一一注明以便省覽

如鎮海銅山等並改載撥歸某邑惟南澳為閩粵分疆國朝特設鎮帥同知統制以固封守兵民戶口土田賦稅各有專司特為紀載殿于後

一山本同而末異水本異而末同觀其條理而脈絡現焉循其脈絡而形勢生焉前志敘山川本之禹貢而方位



樊亂未免以訛傳訛今細詢之生長其地者逐一釐正雖未敢謂百無一誤本末舛錯庶幾免夫

記曰國奢示儉國儉示禮漳爲朱子布治之邦卽以先子之治治之百世同揆故臚列民風於前而載朱子禁令於後北溪梁邨皆鄉之先正隆禮由禮移風善俗莫大於是非觀民無以設教不僅侈陳掌故如風俗通華陽記荆楚記僅資抵掌也

一周官土會辨植物動物而土宜土均之政行焉志之有物產明乎能豐財而後能阜民徒以多識鳥獸草木之名概之抑末矣今所載土物漳產居多取其有資日用

## 漳州府志

### 卷之首

凡例

二

三百六十六

貴乎樽節愛養亦非僅如爾雅埤雅註疏蟲魚自誇淹博也

一秩官先紀官制次紀歷官姓名官制雖微秩必登倣周官遺法也

一海氛之後版籍散逸秩官姓名前志不無缺漏其軼見于他書搜遺補闕或有改訂前訛處諸所考據卽註名下

一武職官制卽軍制不詳官制不成兵紀又不便以官制入兵紀而以歷官姓名入秩官前志分載良是今仍之  
一武廟天后廟前志不載祀典今增入



一學校爲養育英才之區卽古之州序黨序鄉學也周禮九兩三曰師以賢得民四曰儒以道得民第志師儒之官而不詳其職分所當爲于義疏矣今備載

列聖六經序文金聲而玉振之俾師儒之官知造士之方莫重四術經學明人材出矣

一前志選舉簡略與秩官等今據省志縣志及他書酌補訛者訂之或其子孫執譜具呈亦暨爲補入然闕漏尚多皆由

國初卷帙散失甲午以後則較詳矣漳屬間有寄籍他省者仍前志例概錄之亦杞梓梗楠自楚往之意

## 漳州府志

### 卷之首

凡例

三

三百八十六

一仕宦由科目出者於甲乙榜名下注明恩副拔歲貢生亦然其遵例入官者另入特用文職一門職任注各名下捐職未任者不錄重實效也武職不由科目者亦另爲特用一門由科目者卽注名下

一人物有卓卓表見者編入人物傳中或一節可稱道卽注于科甲特用封典賜贈各名下或入紀遺無美不彰之意也秩官類此

一史記屈原傳載漁父懷沙諸篇司馬相如傳載上林賦諸篇漢書賈誼傳載治安策諸篇董仲舒傳載天人策諸篇誦其言可以考其行也後世志書第載行事而其



言不詳則藝文志之採各人著作正與其行事相表裏苟非與志乘相關名篇雖多亦奚以爲舊志藝文茲間有省去不存者皆其可以不存者也

一前志賦役據康熙五十一年奏銷冊以府爲綱縣爲目額數瞭然矣今仍其例據乾隆四十年奏銷冊登載舊志原額存而不削俾沿流溯源以合母數則混匿混加之弊可覈而出也至府縣賦役冊不無大同小異之處就中參訂照府冊爲多據其統宗也欲得其詳則有各屬賦役全書在

一前志兵防綱舉目張如聚米畫沙誠爲有用之書顧漳

## 漳州府志

### 卷之首

凡例

四

三百八十七

爲巖疆山海交錯密邇粵東遠通外域汛防會哨稽察周而聲勢合最爲緊要前志止載遊巡哨望未及交會處所今特爲補入凡水陸官弁兵丁哨期哨地詳悉紀載用昭

國朝武備克詰戎兵之精意而膺專閫之寄者師律軍政糾庀森嚴亦可想見云

一裴松之云凡列傳皆以類而敘者也如前漢書傳鄭興以迄丁鴻皆以明經類敘者也劉平迄周磐皆以純孝類敘者也而不標明經純孝之目第櫛括其大旨合爲一讚于後而明經純孝不言而喻蓋人有兼長其上焉



者且具體全材不可以一曲目之也後之作志者分門別類不該不備今倣史漢之例類敘其人而總論于後讀者因是可知其人之究竟史法應爾非有意求異也

一列傳之例有特傳焉史漢一人一傳是也有合傳焉史記藺相如廉頗趙奢李牧諸名將合爲一傳是也有名爲列傳而通于世家焉如張安世杜延年祖孫父子相承立文是也有附傳別傳焉如張彭祖附于安世之後而延壽則別爲傳是也今志中八自爲傳祖特傳之例也九翰林祖合傳之例也世德祖列傳通世家之例也或名下細書或名下大書祖附傳別傳之例也其人高下不能強同而修詞之詳略因之

# 漳州府志

## 卷之首

凡例

五

四百三十字

一傳者沒世之稱也歷觀諸史從未有爲生人作傳者蓋合行狀內外碑而成家傳生人爲之立傳猶生人爲之狀爲之銘也而可乎唐宋八家集中柳子厚有郭橐駝傳梓人傳有爲言之耳非真傳也東坡之方山子傳亦其類也近時邑志有爲列女生存作傳者史法紊矣惟經旌表者雖生存亦列其人于簡女人有旌表猶男人有選舉志朝典非志女貞也故其人之名下不置一辭一史法忌濫忌雜今傳列女至千數有奇嚴于決擇者不當如是緣載筆者第據呈據冊執例覈之其人旣符于



例而其行事之真否無從而知之諮詢則恐有愛憎揣測則慮或差誤不得已就其所處之境最艱者爲之傳其次爲之跋又其次志其寡守之年月日而已後有中壘南豐其人乎設身而爲之地知非妄作也

一創始者難爲功因舊者易爲力茲編體制皆祖前志爲之顧規制隨時更易沿革損益之交頗費討論風氣逐漸推移升降淳漓之際當思補救故于民風物產學校賦役兵紀異同升降視前志加詳焉人物萃山川之秀爲邦國之光詳世家志祖宗積累之厚明學術紀師友淵源之遠宋有北溪東湖明有布衣石齋

## 漳州府志

### 卷之首

凡例


六

四百二十八

國朝有文勤復齋皆稟朱子明體達用之學以爲學者也後先相望若合符節尚論至此不禁三致意云

一作史之道在于網羅收拾斷編殘簡皆可參稽畸士名流倍宜愛惜終以紀遺與正志相補備文社漳江爲盛紹和飛聲乎位雲白麓領袖乎南洲文勤倡道乎東江海內推詡藝苑菁英奎聯璧聚杜子美云長嘯宇宙間高材日陵替今標舉其社名以風動後秀友朋文會粗者責善精者輔仁非立門戶炫虛譽也方伎仙釋寓賢可資宏覽作志者相沿列于人物之後究于彰善闡幽之義無取故彙列于紀遺門目中







漳州府志  
卷之十一  
首領圖  
總圖

# 興圖



府城池



漳州府志 卷之首輿圖







漳州府志 卷之首輿圖

府署





漳州府志 卷之首輿圖






漳州府志

卷之首輿圖

交溪界

龍溪縣

五






漳州府志

卷之首輿圖

六

漳浦縣










漳州府志 卷之首輿圖

南靖縣



海澄同安交界  
青礁  
白礁  
金山

烏礁橋  
烏礁墩  
同安龍溪交界

石美城

峯茶嶺

五鳳山

天寶山

許茂洲

中港

滙竹洲

大泥尾

卷溪

山道

南平

龍溪

教場

天寶

東岳

石碼

石碼

康橋

康橋

馬寮

巨港

港尾

龍城

港口上城

東門

海濱

城隍

城隍

開門

山壇

南靖縣

社學

文廟

文廟

文廟

塔仔

新

下部

壽

祖山頭

杜壇

塔

塔

塔

朱浦

慈德

正

武林

員山

員山

員山

龍溪

南溪

水外俱備

到

天福山

島山












澤州府志 卷之首輿圖

澤安縣



永定界

澤州府

林任毅

九嶷山

和

田深

心任

鎖油

朱公齋

小連城

茶寮

茶寮

三菜洲

雙盤山

東山

大陽公館

相見嶺

上湖

小蘆

大蘆

小秀

晉

音現

公館

陽城

洋

高玩

大

柳

半徑台

下村山

大秀

卷院

文廟

儒

洋

崎

南

西

東家堡

楊美山

兒

武

司

渡

川

流

南山

南

西

門

頂

天

坪

下

南山

林

陳

門

山


銅

界

新



州府志 卷之首輿圖





# 名蹟圖

漳州府志 卷之首名蹟





天寶圖

海州府志

卷之首名蹟





員也園錄

漳州府志 卷之首名蹟






白雲山圖

漳州府志

卷之首名蹟



四





真洞 圖

洋州府志

卷之首名蹟

五

萬松關 圖









漳州府志

卷之首名蹟



柳營江園




鄴山圖



漳州府志 卷之首名蹟


九龍潭圖





漳州府志 卷之九 首名蹟

九





直州府志

卷之百名蹟

七音嚴圖




白鷺洲圖



漳州府志

卷之首名蹟






梁山圖



漳州府志 卷之首名蹟

太武園





漳州府志

卷之百名蹟



海山

海山

美島

美島

海山

大瓜

大瓜


担小

担大



丹霞屿 图

漳州府志 卷之首名蹟





天柱 圖



漳州府志

卷之首名蹟


三平寺 圖

圖





漳州府志 卷之首名蹟





漳州府志目錄

第一卷

建置志

舊衛所附

第二卷

星野志

第三卷

疆域志

形勝

疆界

坊里

舖舍

街市

第四卷

漳州府志

卷之首

目錄一

一百〇六字

山川志

海潮汐附

第五卷

民風志

第六卷

物產志

第七卷

古蹟志

城壘

堂室

樓閣

亭臺

巖洞

水石

泉井

壇祠

宮廟

寺院

塔

古物

邱墓



第八卷

秩官志一

唐 宋 元

第九卷

秩官志二

明

第十卷

秩官志三

明

第十一卷

漳州府志

卷之首

目錄二

九十一字

秩官志四

國朝

第十二卷

規制志上

城池 公署 倉廩 坊表

第十三卷

規制志下

橋梁 津渡 水利 養濟 義塚

第十四卷

祀典志



文廟 壇祭 名宦 鄉賢 列祀  
第十五卷

學校志

學宮

義學

社學附

書院

學田

第十六卷

選舉志一

唐 宋 元

第十七卷

選舉志二

明

漳州府志

卷之首

目錄三

第十八卷

選舉志三

明

第十九卷

選舉志四

國朝

第二十卷

選舉志五

國朝

特用

薦辟

勳爵

馳恩

任子

第二十一卷



賦役志上

田賦 戶口 屯丁 土田 屯田 雜稅

第二十二卷

賦役志下

起運兵餉 存留支給 外附雜稅 鹽法

第二十三卷

兵紀志上

第二十四卷

兵紀志下

第二十五卷

漳州府志

卷之首

目錄四

一百二十字

藝文志一

著書總目 詩

第二十六卷

藝文志二

賦 表奏 議書

第二十七卷

藝文志三

序記

第二十八卷

藝文志四



記

第二十九卷

藝文志五

記

第三十卷

藝文志六

雜著

第三十一卷

災祥志

第三十二卷

漳州府志

卷之首

目錄五

八十四

宦績志一

唐 宋 元

第三十三卷

宦績志二

明

第三十四卷

宦績志三

國朝

第三十五卷

宦績志四



歷代武臣

第三十六卷

人物志一

唐宋元列傳

第三十七卷

人物志二

明列傳上

第三十八卷

人物志三

明列傳中

漳州府志

卷之首

目錄六

第三十九卷

人物志四

明列傳下

第四十卷

人物志五

國朝 列傳上

第四十一卷

人物志六

國朝 列傳下

第四十二卷



列女志一

唐宋元明列傳

第四十三卷

列女志二

國朝 列傳

第四十四卷

列女志三

國朝 旌表 小傳 姓氏

第四十五卷

紀遺上

漳州府志

卷之首

目錄七

七十六

第四十六卷

紀遺下

漳州府志目錄終